



Broj: 22-04-44-1-245/18
Sarajevo, 03.09.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 31.08.2018. do 07:00 sati 03.09.2018. godine

U izvještajnom periodu Kantonalni operativni centar civilne zaštite primio je tri informacije o pronašlasku NUS-a i to:

- dana, 31.08.2018. godine u 10:23 sata od Operativnog centra civilne zaštite Hadžići, da je u naselju Pazarić, Resnik br.14., pronađen nepoznat NUS,
- dana, 31.08.2018. godine u 14:01 sat od građanina, da su na Nišićima (Općina Iljaš), pronađene dvije ručne bombe,
- dana, 01.09.2018. godine u 14:05 sati od građanina, da je u ul. Blagovac II br. 55., (Općina Vogošća), pronađen 1 kg TNT eksploziva bez inicijalnog upaljača.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplodirana ubojna sredstva uklonuti u narednom periodu

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su jednu veću i 10 manjih intervencija. Veću intervenciju su imali dana, 02.09.2018. godine u 04:30 sati u ul. Reljevska bb, Općina Novi Grad, gdje je došlo do požara u stambenom objektu u kojem je gorjela jedna soba. Požar je lokalizovan u 05:11 sati, a likvidiran u 05:38 sati. U gašenju požara učestvovalo je osam vatrogasaca sa dva vatrogasna vozila. Povrijeđenih lica nije bilo, pričinjena je materijalna šteta.

Manje intervencije su bile sljedeće: tri intervencije na gašenju zapaljenih automobila, tri intervencije na gašenju zapaljenog smeća u kontejneru, jednu intervenciju na gašenju zapaljene plinske boce u ugostiteljskom objektu, jednu intervenciju na gašenju zapaljene deke u stanu, jedno obezbjeđenje na pretakanju goriva na Međunarodnom aerodromu Sarajevo i jednu tehničku intervenciju na izvlačenju beživotnog tijela iz rijeke Miljacke.

NAPOMENA: U protekla 24 sata pripadnici Profesionalne vatrogasne jedinice imali su tri manje intervencije i to: jednu intervenciju na gašenju zapaljene plinske boce u ugostiteljskom objektu, jednu intervenciju na gašenju zapaljene deke u stanu i jednu tehničku intervenciju na izvlačenju beživotnog tijela iz rijeke Miljacke.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljudi, kao i materijalna i kulturna dobra.

Elektrodistribution Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 16°C, vlažnost zraka 85%, barometarski pritisak 945 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribićić

Dostavljeno:

- Premjeru Kantona Sarajevo
- Direktoru KUCZ Kantona Sarajevo
- Komandantu i članovima Štaba CZ Kantona Sarajevo
- F OC
- a/a



web: <http://kucz.ks.gov.ba>; e-mail: oc@kucz.ks.gov.ba

Tel: + 387 (0) 33 121, + 387 (0) 33 556-670; Fax: + 387 (0) 33 566-671
Sarajevo, Reisa Džemaludina Čauševića 1